



金匱要略述義

四

+武  
510  
4止





門中  
孫  
卷 4 止



下血先便後血。此遠血也。

按徐氏曰。下血較吐血勢順而不逆。此病不在氣也。當從腹中求責。故以先便後血。知未便時血分不動。直至便後努責。然後下血。是內寒不能溫脾。脾元不足。不能統血。脾居中土。自下焦而言之。則為遠矣。此說似是。仍存之。

下血先血後便。此近血也。

趙此出大腸。故先血後便。以溼熱之毒。蘊結不入於經。滲於腸中而下。赤小豆能行水溼。解熱毒。梅師方皆用此一味治下血。況有當歸破宿養新。以名義觀之。血當有所歸。則不妄行矣。人身大便溼熱下血。其來必速。其前血者。其來必緩。

金井  
藏書

三木  
藏書



婦人良方曰。糞後下血者。其來遠。糞前有血者。其來近。遠近者。言病在上下也。

張氏醫通曰。千金用伏龍肝湯。卽治先便後血之黃土湯中。除去求附。加乾薑。牛膝。地榆。髮灰。與金匱主治。則有寒熱之殊。不可不辨。可見治血。但使歸經。不必論其遠近也。外科正宗內痔治驗曰。大抵此症所致之由不同。當究其因治之。如元氣有餘。形黑氣盛。先糞而後紫血者。更兼脈實有力。此屬有餘。法當涼血止血。藥應自效。至若形體瘦弱。面色痿黃。先鮮血而後糞者。更兼脈虛無力。此屬不足。豈可反用涼藥止之。致傷脾胃。此症若不溫中健脾。升舉

中氣。其血不得歸原。故藥難效。遠其根本也。按此說。似與經旨相左。然

亦足以互發。仍拈出之。

雞峰普濟方。赤小豆散。治大便秘。卽本方

心氣不足。吐血衄血。

按趙氏曰。心氣不足者。非心火之不足。乃真陽之不足也。此說屬慎。尤氏暗駁正之。實本于醫通。趙又曰。若濟衆方。用大黃治衄血。更有生地汁。則是治熱涼血。亦瀉心湯類耳。此尤所本。

○嘔吐噦下利病脈證治第十七

問曰。病人脈數。數爲熱。脈弦者虛也。以脈經爲別條。



病人欲吐者不可下之。

朱此摠為吐家而設大戒非特指胃反言也。

按傷寒嘔多雖有陽明證不可攻之其理一也。

又按脈經所載有出于本經之外者宜參閱今拈一條曰夫吐家脈來形狀如新卧起。

噦而腹滿。

按此條恐是錯出似宜在橘皮湯條上。

茱萸湯方

本草圖經引人參一兩生薑一大兩大棗二十枚。

半夏瀉心湯方

按再煮當作再煎。

黃芩加半夏生薑湯方

按大棗十二箇當作十二枚。

嘔吐而病在膈上。

外臺後下有必字。

嘔而脈弱。小使復利。

按尤氏曰或云嘔與身熱為邪實厥利脈弱為正虛虛實

互見故曰難治。四逆湯舍其標而治其本也亦通。此說不

是姑存之。

嘔而發熱者。

證治準繩曰金匱方云潔古用小柴胡湯加青黛以薑

汁打糊丸名清鎮丸治嘔吐脈弦頭痛蓋本諸此按保命

鎮

大半夏湯方

本草圖經引半夏三升二百四十遍大觀本作二百四十遍政和本作一百二十遍二升半竝作三



升半餘分再服。作日再。下有亦治膈間支飲句。

按魏氏曰。服後多煮白蜜。去其寒。而用其潤。俾黏膩之性。

流連于胃底。不速下行。而半夏人參之力。可以徐斡旋于

中。其意固微矣哉。此說頗巧。然不如李升璽之穩貼。

醫心方。范汪方。治胃中之氣而歐。欲死方。人參二兩

伏苓二兩 生薑三兩 白蜜五合 半夏三升洗

凡五物。入蜜。內六升水中。撓之百遍。以餘藥合投中。煮得

三升。分四服。禁冷食。治干歐。亦用此。

本草圖經云。李絳兵部手集。療反胃嘔吐無常。粥飲入口

即吐。困弱無力。垂死者。以上黨人參二大兩。水一大升。煮

取四合。熱頓服。日再。兼以人參汁煮粥與服。

又經驗後方。治大人小兒。不進乳食。和氣去痰。人參四兩。

半夏一兩。生薑汁熬一宿。曝乾為末。麩糊丸如棗豆大。每

服十九。食後。生薑湯吞下。

御藥院方。橘皮枳殼湯。治胸膈氣痞。短氣噎悶。不得升降。

枳殼麸炒去穰 半夏不製各二兩 陳皮不去白三兩 人參一兩

右四味。用泉水五大升。入白沙蜜四兩調勻。用杓揚藥水。

二百四十遍。煮取一大升。去滓。分作三服。一日當服盡。食

後服之。

食已即吐者。



按高世拭曰。食已即吐者。非宿穀不化之胃反。乃火熱攻冲之吐逆。沈氏曰。此方脾胃乾結者宜之。當與上不可下之條。反覆互看。始得仲景前後之意。朱氏曰。胃反病在下脘。因無陽氣化穀。故食久反出。今即吐。明有實邪壅阻中脘。不能容穀。若邪阻上脘。并不能食矣。此諸說足與金鑑相發。然先兄曰。此證胃中舊有積滯。故新穀入則不能相容。霎時變出也。古人屬火之說。恐為強解。此說為覈。且朱氏謂胃反病在下脘者誤。蓋胃反。胃中無物相得激。故食下暫安。而後出也。此方用甘草。取之能緩上迫。遽引大黃。令下達耳。先兄又曰。千金用單甘草湯。治服湯嘔逆不入。

腹者。正此湯用甘草之意。又按金鑑。朝食暮吐者寒也。食已而吐者火也。此寒火二字。改為虛實。其理自通。尤氏又曰。丹溪治小使不通。用吐法。以開提肺氣。使上竅通。而下竅亦通。與大黃甘草湯之嘔吐。法雖異。而理可通也。亦是胃反。吐而渴欲飲水。

按此條證。中焦蓄水。氣液為之壅遏。不能升騰滋養。故使渴欲飲水。李氏以為津液亾者。誤矣。宜參傷寒論輯義五苓散條又此方。桂枝佐苓朮等。以溫散水飲。生薑以降逆氣。尤氏以為散邪氣者。亦誤矣。

茯苓澤瀉湯方



外臺集驗。茯苓小澤瀉湯。按醫心方引經心方名茯苓湯。

聖濟。治胃反吐逆。發渴飲水。茯苓飲方。

於本方。去生薑。加乾薑。

又治心脾壅滯。暴渴引飲。茯苓飲方。

於本方。去生薑。加黃連。大黃。小麥。

宣明。桂苓白朮丸。治消痰逆。止咳嗽。散痞滿壅塞。開堅結痛悶。

於本方。加半夏。紅皮。用乾生薑為末。麩糊為丸。如小豆大。

薑湯下。二三十丸。日三服。

吐後。渴欲得水。而貪飲者。

按此條病輕藥重。殊不相適。柯氏以此湯。移置于太陽下。篇文蛤散條。仍攷此條。乃是文蛤散證。彼此相錯也。消渴篇曰。渴欲飲水不止者。文蛤散主之。可以互徵矣。但兼主微風脈緊頭痛一句。即湯方所主也。

半夏乾薑散方

按半夏散。不能散服者。水煮。此方漿水服。俱是取于不戟咽乎。後世有煮散法。其理自異。不同於此。聖惠。治冷痰飲。胃膈氣滿。吐逆不思飲食方。

於本方。加丁香。以生薑粥飲。調下一錢。半夏二兩。餘並一兩。

又治痰逆。暖胃口。惡飲食方。



於本方。各半加白礬。一兩為末。以生薑汁煮麪糊和。圓如梧桐子大。每服不計時候。以薑棗湯下二十圓。生薑半夏湯方

按此湯一升分四服。殊與常例不同。傷寒蘊要曰。凡嘔而

乾嘔。若手足厥者。

按乾嘔與噦。自是二證。蓋言乾嘔若噦也。魏氏曰。為病之淺者言之也。若夫病之深。陽氣微弱之甚者。則非四逆不足以取效也。或者先用此以順行其氣。而後與以四逆。亦次第淺深之治也。此說失當。

橘皮湯方

十便良方。指迷。橘皮甘草湯。治若身大熱。背微惡寒。心中煩悶。時時欲嘔。渴不能飲。頭目昏痛。惡見日光。遇涼稍清。起居如故。此由飲食失宜。胃中空虛。熱留胃口。其脈虛大。而數。謂之中暑。

於本方。加甘草。

橘皮竹筍湯方

千金翼。竹筍湯。主噦方。

於本方。去人參。大棗。加半夏。紫蘇。

三因。橘皮竹筍湯。治胃熱多渴。嘔噦不食。



於本方去大棗加茯苓枇杷葉麥門冬半夏

衛生家寶人參竹茹湯治一切吃逆及治傷寒中暑等吐

於本方去大棗加半夏

活人事證方後集橘皮湯治中暑痰逆惡寒即本方

傷寒蘊要橘皮竹茹湯治胃中壅熱而噦嘔者

於本方去參薑棗加半夏茯苓黃連葛根

傷寒大白人參橘皮竹茹湯治胃虛呃逆

於本方去大棗加厚朴半夏藿香

餘述嘔吐之證其因不一今細檢經方吳茱萸湯之嘔與

乾嘔因陰逆四逆湯之嘔因陽敗大黃甘草湯之吐因食

壅除此之外凡十一方雖有兼涼兼溫之殊大要皆不出

于驅飲逐水則知其係于水飲所致者為多蓋胃喜燥而

惡溼故水飲停滯其氣易逆也虻之為物最能使嘔敘在

次篇噦管舉氣逆證然黃疸篇有小半夏湯之法則亦有

自停飲者可以推知而其更有數因前人辨之盡矣

夫六府氣絕於外者

按金鑑曰氣絕非謂脫絕乃謂虛絕也朱氏曰按氣絕兩

字當作病氣隔絕論若真陰陽氣絕豈止手足寒與不仁

哉二說竝存攷程氏又曰不禁則上無脹悶中無痛楚下

無奔迫但孔如竹筒漫無約束直流不休訶子粟殼咸無



功矣。雖有盧扁。將安施乎。此說信然。

下利。脈數而渴者。今自愈。

按邪熱逼血。血滲入於腸。故清膿血。魏氏曰。熱且蓄停腸。脫。釀為污穢。膿血隨利而下。此亦理之所有也。

下利清穀。不可攻其表。脈經。脹滿下。有其藏寒者。當下之。七字。

下利。脈遲而滑者。實也。

成氏曰。經曰。脈遲者。食乾物得之。按此語未詳。所出當改。金匱要略

曰。滑則穀氣實。下利脈遲而滑者。胃有宿食也。脾胃傷食。不消水穀。是致下利者。為內實。若但以溫中厚腸之藥。利必不止。可與大承氣湯。下去宿食。利自止矣。

下利已差。至其年月日時復發者。

按朱氏曰。因初病利時。漫用藥止住。而病根不拔。舊于此時受邪者。臟氣即應時相感。而復病焉。此說不必。

又按傷寒續論曰。此條。世本尚有宜大承氣湯五字。衍文也。故去之。詳未盡之邪。可以畱伏經年而發。必係寒邪。寒邪惟可備急丸溫下。不應大承氣寒下也。設屬熱邪。必無經年久伏之理。此說拘執。不可從。

又按脈經下利篇所載諸條。出于本經之外者。今錄于左。曰。脈滑按之虛絕者。其人必下利。曰。下利而腹痛滿者。為寒實。當下之。曰。下利腹中堅者。當下之。曰。下利脈浮大者。



虛也。以強下之故也。設脈浮革。因爾腸鳴。當溫之。病可溫證中亦

有此條。有空當歸。四逆湯字。又傷寒論不可下篇。有此條。曰。夫風寒下利。疑脫者。不可下

之。下之後。心下堅痛。脈遲者。為寒。當溫之。脈沈緊。下之亦

然。脈大浮弦。下之當已。又病可溫證。曰。下利欲食者。就溫

之。又曰。下利脈遲緊。為痛未欲止。當溫之。得冷者。滿而便

腸垢。此條千金載。千金痢門。稍與脈經同。更有一條。曰。下

利大孔痛者。當溫暖之。

紫參湯方 本草圖經引甘草二兩。一升半。作半升。

氣利。訶黎勒散主之。

趙治病有輕重。前言氣利。惟通小便。此乃通大便。蓋氣結處。

陰陽不同。舉此二者為例。六經皆得結。而為利。各有陰陽也。

訶黎勒。有通有澀。通以下涎。消宿食。破結氣。澀以固腸脫。佐

以粥飲。引腸胃。更補虛也。

聖惠方曰。夫氣痢者。由表裏不足。腸胃虛弱。積冷之氣。客

於腸間。藏腑不和。因虛則洩。故為氣痢也。

訶黎勒散方

本草圖經云。訶黎勒主痢。本經不載。張仲景治氣痢。以訶

黎勒十枚。麩裏焙。灰火中煨之。令麩黃熟。去核。細研為末。

和粥飲頓服。唐劉禹錫傳信方云。予曾苦赤白下。諸藥

服遍。久不差。轉為白膿。令狐將軍傳此法。用訶黎勒三枚。



上好者。兩枚炮取皮。一枚生取皮。同末之。以沸漿水一兩。合服之。淡水亦得。若空水痢。加一錢七甘草末。若微有膿血。加二七。若血多。加三七。皆效。

本草衍義曰。訶黎勒。氣虛人。亦宜緩緩煨熟少服。此物雖

澀腸。而又泄氣。蓋其味苦澀。按程氏所引。文不同。又程氏引杜士方。本出本草黃連條。

云。杜士治氣痢瀉裏急後重。云用黃連乾薑二味。又引劉禹錫傳信方。亦是本草所引。

餘述。朱丹溪曰。仲景治痢。可溫者溫。可下者下。或解表。或

利小便。或待其自己。區別易治難治不治之證。至為詳密。

然猶與滯下衮同。立方命論。出局方發揮。蓋腸澀滯下。與濡瀉

滑洩。其證與治。本自不同。仲景一以下利命之。併而為篇。

然逐條尋究。判然而明矣。抑更有一義。蓋濡瀉滑泄。固宜

溫固。然有內有宿積。而治宜疎刷者。腸澀滯下。固宜疎刷。

然有陽虛氣陷。而治宜溫固者。然則學者宜審其脈證。而

處其方劑。不須特以腸澀泄瀉為分別。仲景之合為一篇

者。意或在于此歟。五十七難。大瘕泄者。裏急後重。數至圜

之一。其意與仲景一也。

附方

千金翼。小承氣湯。

沈此燥屎內結。大便不通壅逆。胃邪上行。而噦數譫語。所以亦宜輕利和中。而滌熱開結也。



外臺黃芩湯

按此黃連湯類方亦治上熱下寒以為乾嘔下利也

醫心方范汪方治傷寒五六日嘔而利者黃芩湯即本方

○瘡癰腸癰浸淫病脈證并治第十八脈經題曰癰腫腸癰

腸癰之為病其身甲錯本草圖經引云張仲景治腹癰

按次條其癰未至膿潰故少腹腫痞此條既經膿潰故按

之濡如腫狀腹無積聚次條血猶瘀結營鬱而衛阻故時

時發熱復惡寒病猶屬實故其脈遲緊此條營分既無所

鬱故身無熱膿成則血燥故脈數要之此二條其別在膿

已成與未成之分而不拘其部位如前注家以大小腸為

辨者殆失之迂矣針干六腑引定

又按三因方舉此條云久積陰冷所成也故金匱用附子

溫之舉次條云此以內結熱所成也故金匱用大黃利之

亦不可從

大黃牡丹湯方

按癰腫之病不論外內諸證其初起也乘其未潰而奪之

其既成也扶正氣以外托故葶藶大棗瀉肺湯肺癰逐毒

之治也桔梗湯肺癰排膿之治也大黃牡丹湯腸癰逐毒

之治也薏苡附子敗醬散腸癰排膿之治也蓋瘍醫之方

皆莫不自此二端變化亦即仲景之法則也



又按方後所謂有膿者其膿稍萌之義與前條之全就腐潰者不同矣。

聖濟梅人湯治腸癰裏急隱痛大便祕澀。

於本方以梅核人代桃仁用冬瓜人加犀角。按奇效梅仁散原方。

問曰寸口脈浮微而澀。

鑑脈微氣奪也。脈濡血奪也。故曰法當亡血汗出也。設無亡血汗出等病則必身有瘡被刀斧所傷亡血也。

按不汗者一句空云設不亡血若汗出者今特舉不汗而不云不亡血者蓋省文也。金鑑為是。又瘡古作創即金瘡之義也。其从疒者係于六朝俗字。

浸淫瘡黃連粉主之。

醫心方極要方療身上瘡瘡汁所著處即成瘡名曰浸淫。

痒不止方。黃連一兩 黃蘗一兩 蘆茹一兩

礬石一兩 甘草一兩 生胡粉一兩

右搗甘草已上為散。胡粉於鎗子中著熬令黃和之為散。欲傅藥先以苦參汁以洗故帛拭乾即著藥。不過三四度即差。

○跌蹙手指臂腫轉筋陰狐疝蛇蟲病脈證治第十九

魏氏曰仲景敘男子雜症因收羅細碎諸篇未及者歷言之。



雞屎白散方 本草圖經引方寸匕上有量字

陰狐疝氣者 本草圖經引者字在上下字下

四時刺逆從論曰。厥陰滑。則病狐疝風。揚上善云。狐夜不

得尿。日出方得。人之所病與狐同。故曰狐疝。一曰狐疝。謂

三焦孤府為疝。故曰狐疝。五色篇曰。狐疝。瘻疝之屬也。

蜘蛛散方 圖經引作二物為散。每服八分。一匕。日再。蜜丸亦通。政和本一字不複。

小島尚質曰。八分一匕。謂十分方寸匕之一。

幼幼新書。嬰孺。治少小偏癩方。

右以蜘蛛一箇。燒灰作末。飲服之愈。

按本草無食子條。引海藥云。張仲景使治陰汗。取燒灰。先

以微溫浴了。卽以帛微裹。然傳灰囊之甚良。 政和本之作上。此方

可疑。然以託名仲景。姑附于斯。

問曰。病腹痛有蟲。 巢源若作弱。蓋論。

甘草粉蜜湯方

伊澤信恬曰。外臺天行。備急。療勞復方。以粉三升。以煖飲

和服。又以水和胡粉少許。服之亦佳。据此。則粉與胡粉。自

別可知。

金匱玉函要略述義卷中 終



此處為正文內容，因字跡模糊，難以辨認。

金匱玉函要略述義卷下

丹波元堅 學

○婦人妊娠病脈證并治第二

證三條

按當作二條

方九首

婦人宿有癥病。

脈經首五句作婦人妊娠經斷三月而得漏下三十下血不止。

下血四十日不止胎欲動在於臍上此而妊娠

按癥血癥瘕必在臍下。妊娠二三月墮者多其所害。此云

在臍上者竊不無疑。或是譌字。敢俟有識論定。脈經胎在臍上更疑

桂枝茯苓丸方

朱服法甚緩以深固之邪止堪漸以磨之也。



按此方茯苓亦是引藥下導者。說見于虛勞腎氣丸下。芍藥取之通

壅。空參傷寒論述義太陰病下。此五味之所以相配也。

又按玄珠經通真丸婦人通經男子破血用大黃桃仁天

水末。一名益元散。乾漆杜牛膝。醫學綱目四卷中引。正得此方之意。

婦人懷娠六七月脈弦發熱。

按惡寒尤氏為腹惡寒然猶似身惡寒存攷。

師曰婦人有漏下者。

朱婦人下血大概由于衝任二經為病或無端漏下或半產後下血或妊娠下血下血雖異而源頭則一。

按此條漏下與半產後下血是客妊娠下血腹中痛是主。

三證併列以備參對也。鑑程剖析不了。朱氏為是。但芎歸

膠艾湯則足以兼三證而治之矣。程氏引脈經攷原書作今陽不足故令激經也。

又按魏氏曰假令妊娠而下血腹中痛此胞氣阻滯之故

也。胎氣何以阻以氣虛寒也。氣虛寒則血必不足而凝。凝

則氣愈阻而作痛。氣阻血凝則又内生虛熱。血之凝者尚

凝而餘血遂漏不止。甚則傷胎而動。動而竟墜。此胞中氣

血因虛而寒。因寒而阻。因阻而凝。因凝而熱。因熱而下

血。因下血而傷胎墜孕。遞及之道也。此說太巧。姑存之。

芎歸膠艾湯方

醫心方產經云。治任身七八月。腰腹痛。胎不安。汗出逆冷。



飲食不下。氣上煩滿。四支痺疆。當歸湯方。

於本方。去芎藭。加生薑。橘皮。

千金翼。當歸湯。治產後血留。下焦不去。

於本方。去阿膠。艾葉。加桂枝。

聖惠。治產後下痢。腹中疴痛。當歸散方。

於本方。去阿膠。加乾薑。

聖濟。治妊娠因驚胎動不安。當歸湯方。

於本方。加人參。不用清酒。

又治妊娠卒下血。致胎不安。少腹疼痛。人參湯方。

於本方。去芍藥。加人參。黃芩。吳茱萸。生薑。不用清酒。

又治妊娠胎動。有所下血。腹脇疼痛。宜服阿膠散方。

於本方。去芍藥。加赤石脂。龍骨。黃耆。乾薑。不用酒。

衛生家寶。丁香膠艾湯。治崩漏。走下不止。

於本方。加丁香末四分。

蘭室祕藏。丁香膠艾湯。治崩漏不止。蓋心氣不足。勞役及飲食不節。所謂經漏少時。其脈二尺俱弦緊洪。按之無力。其證自覺臍下如冰。求厚衣被。以禦其寒。白帶白滑之物。多。間有如屋漏水下。時有鮮血。右尺脈時微洪也。

於本方。去甘草。加丁香。

婦人懷娠。腹中疴痛。



先兄曰說文有疝無疝云疝腹中急也从疝斗聲

當歸芍藥散方

朱芎歸芍藥足以和血舒肝苓朮澤瀉足以運脾勝溼此即後人逍遙散之藍本也

按妊娠之常飲水動易停滯是以內寒腹痛此方利水散寒以使胎氣盛實芎歸二味不特養血亦能散寒止痛古方往往見之此方所用或此意也抱朴子至理篇曰當歸芍藥之止絞痛先兄亦曰此方芍藥多用取之緩其痛與小建中之芍藥同趣趙說似迂曲

妊娠嘔吐不止

按張氏醫通全取趙氏

乾薑人參半夏丸方

醫心方僧深方治婦人任身惡阻醉心胃中冷腹痛不能飲食輒吐青黃汁方用人參 干薑 半夏 凡三物分等治下以地黄汁和丸如梧子一服三九日三 今案極要方云各分稍加至十九產經云人參丸神良 幼幼新書嬰孺治小兒調中止痢去冷進食人參丸方 於本方加茯苓蜜丸

當歸貝母苦參丸方

按張氏醫通本于趙氏



本草序例雷公炮炙論云如小豆許者取重八兩鯉魚目比之

葵子茯苓散方

朱葵子通利諸竅稱能滑胎其疏泄血分可知而得茯苓之淡滲功尚氣分者為之佐使水從氣分而去則胎自無虞

按冬葵子本草白字曰主五癆利小便黑字曰療婦人乳難內閉

白朮散方

先兄曰千金半夏湯治脚氣上入腹方中用細辛與此治心煩吐痛者同趣又范汪旋覆花湯治胸膈痰結亦用細

辛俱取其辛溫通氣散膈上寒飲也

按千金治欬嗽胸脇支滿多唾上氣方酒一升半浸肥皂莢兩挺經宿煮取半升分三服七日忌如藥法若吐多以酢飯三四日止之此方嘔用醋漿其義一也

○婦人產後病脈證治第二十一

論一首 證六條 按當五條 方八首

問曰新產婦人有三病

按產後瘕病其證治與上經所敘無別故更不論列鬱冒開在次條但大便難則不出其方然不出于脾約丸等潤燥手段也



又按巢源婦人雜病中曰張仲景云婦人經水過多。亡津液者亦大便難也。恐係于錯引本條者。

產婦鬱冒其脈微弱。

大便堅嘔不能食七字脈經作所以便堅者嘔不能食也。

先兄曰明理論云鬱為鬱結而氣不舒也。冒為昏冒而神不明也。世謂之昏迷者是也。此條不言發熱。然後條有發熱之語。則其有熱者可知。即為草薺傷風明矣。

按此條文法稍近倒裝。小柴胡湯主之一句。本當在但頭汗出下。其以先辨鬱冒之理。故更於章末補出三句也。冒家大汗出。即是小柴胡相適之效。亦猶少陽病振汗之比。且以血虛下厥三句。釋頭汗出之理。所以產婦喜汗出者。

四句。釋前條亡血復汗之理。即血虛邪客之候。陰陽乃復一句。與冒家欲解。必大汗出相應。蓋喜汗出。頭汗。大汗。三證不同。宜分別看。

又按大便反堅。反字對嘔不能食而言。蓋嘔不能食。是少陽證。大便宜未至堅。今產後液燥。故大便反堅也。

本事方曰。人平居無苦疾。忽如死人。身不動搖。默默不知。目閉不能開。口噤不能言。或微知人。惡聞人聲。但如眩冒。移時方寤。此由已汗過多。血少氣併於血。陽獨上而不下。氣壅塞而不行。故身如死。氣過血還。陰陽復通。故移時方寤。名曰鬱冒。亦名血厥。婦人多有之。宜白薇湯。倉公散。



白薇湯。白薇。當歸。各一兩。人參半兩。甘草一分。炙。水煎服。

倉公散。瓜蒂。藜蘆。雄黃。礬石。煨。等分。少許吹入鼻中。

按二方。非本條證所宜。姑附之。

又曰。婦人產後。有三種疾。鬱冒則多汗。多汗則大便祕。故

難於用藥。唯麻子蘇子粥。最佳且穩。

按冒家汗出乃復後。但腸燥便祕者。此粥為佳。首條所謂大便難者。亦或所宜。

病解能食。七八日更發熱者。

按此條證。徐朱以為食復。魏周意亦然。蓋沈氏與此諸家。

俱就能食而立說。但尤氏曰。病解能食。謂鬱冒解。而能受

食也。至七八日更發熱。此其病不在表而在裏。不屬虛而

屬實矣。是宜大承氣以下裏。此其意稍異。存攷。

產後腹中疝痛。

千金。治產後虛羸喘乏。白汗出。腹中絞痛。羊肉湯方。

於本方。加桂心。芍藥。甘草。芎藭。乾地黄。聖惠。羊肉。地黃湯。更加入參。

外臺。許仁則。產後更無他狀。但覺虛弱。欲得補氣力。兼腹

痛。宜羊肉當歸湯方。

於本方。當歸五兩。生薑六兩。加黃耆四兩。若覺惡露下不盡。加桂

心三兩。惡露下多。覺有風。加芎藭三兩。覺有氣。加細辛

二兩。覺有冷。加吳茱萸一兩。覺有熱。加生地黄汁二合。

聖濟。治產後血氣不利。心腹急痛。上下攻衝。氣逆煩悶。黃



者湯方。

於本方加黃耆白朮甘草人參

下瘀血湯方

趙與抵當同類。但少緩爾。

按此方猶是抵當九大陷胃丸之例。宜云下瘀血丸。今作湯字者。蓋傳寫之譌耳。方後煎字亦宜作煮字。始合古義。產後七八日。無太陽證。脈經更無切脈二字。再倍下。有其人二字。不食。作不能食。

按此條李注極允。且據無太陽證一句攷之。則其有裏證。可以推知。蓋是產後得邪。邪氣下陷。與血相搏者。既有熱候。亦有少腹堅痛。與產後得胃家實者。其證相似。易錯。故

對待為辨也。又膀胱猶言下焦。不須深講。

產後中風發熱面正赤。

徐中風發熱頭痛。表邪也。然面正赤。此非小可。淡紅所謂面若粧朱。乃真陽上浮也。加之以喘。氣高不下也。明是產後太虛。元氣不能自固。而又雜以表邪。自宜攻補兼施。

產後下利虛極。

徐凡治痢者。溼熱非苦寒不除。故類聚四味之苦寒。不為過。若和血安中。只一味甘草及阿膠而有餘。治痢好用參朮者。政由未悉此理耳。

按虛極猶言疲憊。軒邨寧熙曰。此證本自熱利。故雖至虛



極猶用白頭翁湯。其加甘草阿膠者。不啻補血益氣。兼為緩中調腸之用。陶氏云。甘草通經解毒。丹溪云。熱藥得之。緩其熱。寒藥得之。得其寒。甄氏云。阿膠止痢。楊仁齋云。痢疾多因傷暑伏熱而成。阿膠乃大腸之要藥。有熱氣留滯者。則能疎導。無留滯者。則能平安。據此諸說。則增加之意可知。虛閉並用阿膠。乃是此意。此說精確。

○婦人雜病脈證并治第二十二

論一首 脈證合十四條 按當作十條

方十四首 按當十首

婦人中風七八日。續來寒熱。

按經水適斷四字。空為七八日上看。蓋篇首四條。既詳于

傷寒論述義中。茲不復贅。程注。至治有殊也。全取傷寒蘊要。

婦人咽中如有炙臠。

焦循雕菰集。羅浩醫經餘論序曰。其論金匱。以水症氣衝咽。狀如炙肉證。婦人咽中有炙臠。為有形之邪。阻無形之氣。

按梅核氣之名。昉見直指方。前人或謂為噎膈之漸。蓋在男子。往往馴為噎證。女子則多不過一時氣壅痰結也。

半夏厚朴湯方

醫心方。醫門方。療咽中如肉臠。嚥不入吐不出方。

於本方。去蘇葉。加橘皮。



外臺廣濟療心腹脹滿柴胡厚朴湯方。

於本方去半夏加柴胡橘皮檳榔。

聖惠治膈氣胃中妨悶痰壅不下食紫蘇散方。

於本方加枳殼柴胡檳榔桂心。

又治心腹脹滿痰飲不下食厚朴散方。

於本方加陳橘皮前胡檳榔。

婦人藏躁喜悲傷欲哭。躁脈經趙徐沈尤朱注本並作燥誤。

婦人吐涎沫醫反下之心下即痞。

按據小青龍湯攷之則此所謂涎沫亦即稠痰耳。

婦人之病因虛積冷結氣。未多之未朱曰疑是寒字誤未勻原本諸本並作不勻宜改。

按徐氏曰婦人之病至胞門為一篇綱領因虛積冷結氣六字尤為綱中之綱謂人不虛則邪不能乘之因虛故偶感之冷不化而積氣熱則行冷則凝冷氣凝滯久則結結者不散也血遇冷氣而不行則經水斷絕然有微甚上下不同故曰諸程氏曰此條當分作三截看婦人之病必因於虛勞因於積冷因於結氣。即結熱三者皆能為婦人諸經作病尤氏義同程氏而金鑑亦仍之今熟玩經文徐說似長但其解諸字恐非魏氏曰諸即之也為安蓋此條以血寒積結下焦為主自寒傷經絡至非止女身十五句是客詞係于舉上焦中焦之病以備下焦之參照者久成肺癰。



先兄曰癰當作痿字之誤也。蓋上焦寒凝無為肺癰之理。肺冷為痿。甘草乾薑湯證是也。脈經婦人病亦有欬逆嘔沫其肺成痿語魏又曰繞臍隱伏為少腹冷痛為奔豚為寒疝種種不同。傷出者結于兩脇。如臟腑相連。邪高痛下。而痛反在關元。為下厥上逆之證。沈氏以未多為未經多日之義。非是。徐氏曰奄忽四句為一段。宜從。蓋奄字上當存或字看。金鑑以為痛甚之常狀。似非。厥癰即癰疾。脈要精微論曰厥成爲巔疾。又曰來疾去徐。上實下虛。為厥巔疾。是也。嘔吐涎唾。涎字韻。下根氣銜。根字韻。古書句中有韻。韻未必在句尾。見錢大昕十駕齋養新錄。王引之經義述聞。輯義引巢源不通二字刺

溫經湯方

按此方半夏其旨難晰。程氏謂以止帶下。殊屬無稽。徐氏曰下利已久。脾氣有傷。故以薑半正脾氣。亦未覈。楊氏家藏方調經湯。治衝任脈虛。風寒客搏。氣結凝滯。每經候將行。臍腹先作撮痛。或小腹急痛。攻注腰脚疼重。經欲行時。預前五日。及經斷後五日。並宜服之。於本方去阿膠。加五加皮。熟乾地黃。烏藥。紅花。沒藥。帶下經水不利。少腹滿痛。

徐帶下。即前所謂此皆帶下。非專指赤白帶也。趙此亦因瘀血而病者。經水即不利。一月再見之不同。皆衝任瘀血之病。



全圖通雅卷中  
在說藥室書  
土瓜根者。能通月水。消瘀血。生津液。津生則化血也。芍藥。主邪氣腹痛。除血痺。開陰寒。桂枝。通血脈。引陽氣。麤蟲。破血積。以消行之。

按趙注明備。本綱意補或字。蓋仍之也。又千金方。溫經湯。主婦人小腹痛。用茯苓芍藥土瓜人。薏苡人。其旨相似。寸口脈弦而大。

按尤氏說三品功用。本于趙氏。趙又曰。凡系帛皆理血。血色紅。用絳尤切於活血。

婦人陷經漏下。

按趙氏曰。方雖不全見。膠艾二物。亦足以治之。沈氏。魏氏。

竝以爲阿膠乾薑二味。俱難從。

婦人六十二種風。

按趙氏以爲六十二種風。盡以一藥治之。明其非仲景法。然原其立方之旨。破血通經。用紅花酒。則血開氣行。而風亦散矣。

紅藍花酒方

本草圖經曰。張仲景治六十二種風。兼腹內血氣刺痛。用紅花一大兩。分爲四分。以酒一大升煎強半。頓服之。不止再服。又一方。用紅藍子一升。搗碎。以無灰酒一大升八合。拌了。暴令乾。重搗。蜜丸如桐子大。空腹酒下十九。



問曰。婦人病飲食如故。

按此條之證。本是下焦壅滯。不得溺利者。膀胱為之急脹。而胞系遂至繚戾。溺隨益閉。以致煩熱不得卧。而反倚息。故用腎氣丸。開其壅滯。利其小便。則膀胱寬豁。而其系復舊也。此證不必下元衰乏。而其用此丸者。專取之利水。故云但利小便則愈。

又按慧琳一切經音義。繚。考聲云。緜。猶結紐也。亦繚緜。紛糺貌也。云云。徐氏曰。了戾者。其系紐轉也。先兄曰。盧文弨鍾山札記云。了戾者。屈曲旋轉之意。許慎注淮南原道訓云。捻。了戾也。郭璞注方言三。軫。戾也。云。相了戾也。楊倞

注荀子脩身篇擊戾云。猶了戾也。

少陰脈滑而數者。陰中即生瘡。脈經分為二條。又曰。少陰脈數。則氣淋。陰中則生瘡。

平脈法曰。少陰脈微滑。滑者。緊之浮名也。此為陰實。其人必股內汗出。陰下溼也。

胃氣下泄。陰吹而正喧。

脈經。此條前有一條。曰。少陰脈弱而微。微則少血。弱則生風。微弱相搏。陰中惡寒。胃氣下泄。吹而正喧。

婦人良方。膏髮煎。治婦人穀氣實。胃氣下泄。陰吹而正喧。陰中出血。

赤水玄珠曰。令媳長卿之婦。腹中微疼。經行不流行。喉痛。



四肢麻木作戰。不知飢餓。右脈洪大如菀豆。以川芎。香附。麥芽。山查。烏梅。粉草。桔梗。酒芩。防風。荆芥。白朮。茯苓。四劑而安。次月經水大行。十日不止。以黃耆。阿膠。蒲黃。各一錢。白芍藥二錢。粉草三分。一帖而止。此後但覺濁氣下墜。屁從子戶中出。以補中益氣湯。加酒炒黃連。調養而平。

小兒疳虫蝕齒方

幼幼新書引葶藶下。有各少許三字。臘日。作臘月。鎔上有和字。趙注本不載此方。

魏附小兒疳虫蝕齒一方。不知何意載于篇末。或有兒科之書。闕略不全。掛一漏百者乎。

○雜療方第二十二

按以下三篇。二注本。及朱氏亦不載。

柴胡飲子方

按藥以貼稱。宋以上所罕見。說見于先教論撰醫賸中。藥滓再煮。見陶氏本草序例。然僅係于諸補湯所用。蘇頌本草序例。長服訶黎勒丸方

本草圖經引張仲景云。長服方。訶黎勒。陳橘皮。厚朴。各三大兩。搗篩。蜜丸。大如梧子。每服二十九。至三十九。

三物備急丸方

千金三味各等分。曰。右皆須精新。多少隨意。先搗大黃。乾薑。下篩為散。別研巴豆。如脂。內散中。

合搗千杵。即爾用之。為散亦好。下蜜為丸。貯密器中。莫令歇氣。本草圖經引。作用大黃。乾薑。巴豆。各一兩。須精新好者。搗篩。蜜和。更搗一千杵。丸如小豆。服三丸。老少斟量之。為散不及丸也。云云。无服大豆許三四丸七字。按据千金方後。用字句亦佳。二字。當在蜜和丸上。蓋言即爾以散為便。久貯蜜丸為佳。

雷公炮炙論云。云如大豆許者。取重十兩。鯉魚目比之。



按徐氏曰。此方妙在乾薑巴黃。峻利寒熱俱行。有乾薑以守中。則命蒂常存。且以通神明。而復正性。故能治一切中惡卒死耳。程氏曰。大黃蕩滌腸胃。乾薑溫中散寒。巴豆除邪殺鬼。故主如上諸證。愚意二說俱非。蓋此方所主。其證極暴極實。僅有顧慮。禍速反掌。是以其治要在短刀直入。咄嗟奏凱。故巴豆辛熱峻下。以為之君。大黃為臣。以輔峻下之用。乾薑為佐。以助辛熱之性。三味相藉。其功益烈。為攻瀉諸方之冠。所以能相抵當也。

聖惠治惡症心腹痛。如錐刀所刺。脹滿欲死者。消石圓。於本方加消石附子。

又治暴癥氣攻心腹脹痛。不欲飲食。宜服巴豆圓方。

於本方加木香蓬莪茂。

又治卒死及感忤。口噤不開者。宜服此方。

即本方以棗瓢和。圓如菉豆大。以溫水下。

聖濟治小兒木舌。腫脹滿口中。三物備急丸方。

即本方如菉豆大。每服五丸。溫水下。大便利為度。

尸蹙。脈動而無氣。靜而死。肘後作靜然而死。外臺同。而作如。而字當為如。義讀。

按尸蹙。即陽氣暴實。凌轢陰血之病。蓋中氣之類也。說詳于扁倉傳彙攷中。當參。

救溺死方。



千金曰。但埋死人煖灰中。頭足俱沒。惟開七孔。治馬墜。及一切筋骨損方。

**鑑**外浴以散其瘵。內服以下其瘵。斯得之矣。

按醫心方。服石方中。引張仲景者。凡四道。未知本經之遺否。姑附載于左。

張仲景云。解散發。煩悶欲吐不得。單服甘草湯。甘草五兩切。以水五升。煮取二升。服一升。得吐即止。

張仲景方云。黃芩湯。治散發腹內切痛方。支子二兩。

香豉三升。黃芩二兩。凡三物切。綿裹。以水九升。煮取三升。分三服。以衣覆卧。必應有汗。

張仲景云。半夏湯。治散發。干歐不食飲方。半夏八兩洗炮。

生薑十兩。桂心三兩。橘皮三兩。右四物。以水七升。煮取三升半。分三服。一日令盡。

張仲景方。治寒食散。大小行難方。香豉二升。大麻子一升破。右二物。以水四升。煮取二升八合。去滓停冷。一服六合。日三。

○禽獸魚蟲禁忌并治第二十四

論辨二首。合九十法按當八十六法。方二十一首按當二十首。

凡飲食滋味。以養於生。

按服藥煉液。言道家辟穀之流。



肝病禁辛。心病禁鹹。

醫說引食治通說云。金匱要略方曰。春不食肝。夏不食心。秋不食肺。冬不食腎。四季不食脾。謂畜獸五臟。能益人五臟。春時木旺。肝氣盛。脾氣敗。故不食肝。食之則肝氣愈盛。脾氣愈敗。因成脾病。則難治也。或春月肝經受病。明有虛證。亦宜食肝以補之。或春月肝氣太盛。即宜食肺以抑之。又云。肝病禁辛。心病禁鹹。脾病禁酸。肺病禁苦。腎病禁甘。五味遞相剋制。故禁之也。或肝氣太盛。因而生病。亦宜辛味以制之。夏在心智變通。不可全執定論。他臟倣此。凡肝藏自不可輕噉。疑行。自字。

巢源曰。凡禽獸六畜自死者。肝皆有毒。不可食。往往傷人。其疫死者彌甚。被其毒者。多洞利嘔吐。而煩悶不安。

猪肉落水浮者。不可食。按據前後條。猪字當作諸字。

自死肉口閉者。不可食之。

巢源曰。凡可食之肉。無甚有毒。自死者。多因疫氣所斃。其肉則有毒。若食此毒肉。便令人困悶。吐利無度。是中毒。六畜自死。皆疫死。

巢源曰。六畜者。謂牛馬猪羊鷄狗也。凡此等肉。本無毒。不害人。其自死。及著疫死者。皆有毒。中此毒者。亦令人心煩悶。而吐利無度。



疫死牛肉。食之令病洞下。

巢源食牛肉中毒候曰。又因疫病而死者。亦有毒。食此牛肉。則令人心悶身體癩。甚者乃吐逆下利。腹痛不可堪。因而致者非一也。

治自死六畜肉中毒方。

**程**六畜自死。必因毒疫。苦能解毒。黃蘗。味之苦者。

治食鬱肉漏脯中毒方。

按犬屎。本草唐本注云。白狗屎。主丁瘡。水絞汁服。主諸毒。不可入口者。人乳。功見下條。生韭汁。本草引孟詵云。背癩。心中急痛如錐刺。取生韭。或根。五斤。先擣汁。灌少許。即吐。

胃中惡血。知此方亦取涌吐。

治黍米中藏乾脯。食之中毒方。

**程**大豆能解諸毒。故用以治。

治六畜鳥獸肝中毒方。按六上似脫食字。

治食犬肉不消。按心急字疑本草引梅師方作忽字。

巢源曰。凡狗肉性甚躁熱。其疫死及狂死者。皆有毒。食之難消。故令人煩毒悶亂。

鷄有六翮四距者。

先兄曰。爾雅。羽本謂之翮。說文。翮。羽莖也。

鱠食之。在心胸間不化。



巢源曰。凡人食魚鱠者。皆是便生冷之物。食之甚利口。人多嗜之。食多則難消化。令人心腹否滿。煩亂不安。神巧萬全方。治食物過飽不消。遂成痞膈將死方。

馬牙消一大兩碎之。如無以補消代之。 吳茱萸半斤。陳者。 右煎茱萸取

濃汁。投滓承熱服之。久未轉。更進一服。立愈。唐寶羣嘗話。在常州時。食膾不消。痞結悶甚。諸藥悉不轉。腹堅氣絕。醫徐彥莊處得此方。服乃瘥。寶云。微此殆絕。

○果實菜穀禁忌并治第二十五

按此篇合八十法。方十八首。今不言者。蓋脫文也。

食諸菌中毒。悶亂欲死方。

聖濟總錄曰。朽木生菌。腐土生菌。二者皆陰溼之氣蒸鬱所生也。既非冲和所產。性必有毒。若誤食之。令人吐利不已。心腹切痛。甚者身黑而死。

十一月十二月。勿食薤。

鑑薤味辛散。走肺氣。食之令人多涕唾。

葵心不可食。傷人。

鑑葵心有毒。背葉反常。亦有毒。不可食。

食躁或躁方。

按金鑑所解。殆屬牽強。蓋此方介于菜類方法中。則亦當治菜毒方。攷醫心方。引葛氏方云。為食諸菜中毒。發狂煩。



悶吐下欲死方。煮豉汁。飲一二升。竊想葛氏所舉。本是仲景原文。而今作食躁或躁者。係于文字譌脫。或是食菜煩躁四字之誤也。今本肘後方。偶欠此方。然自有治諸菜毒方。而其前後諸條。概與本篇方法相同。

巢源曰。野菜芹苳之類。多有毒蟲水蛭附之。人誤食之。便中其毒。亦能悶亂煩躁不安。可以互證。

菜中有水荳蔻。

按此云中風。即發狂之謂。後漢書朱浮傳曰。中風狂走。

春秋二時。龍帶精入芹菜中。

按糖。即錫字。飴弱於錫。故飴有膠飴。錫有硬錫也。

輯義引釋名。用

李時珍所改。當攷原書。及方言。說文。廣韻等。

金匱玉函要略述義卷下 終

余撰傷寒論述義。一以辨白全經大旨為主。今於是書。特以其所得。具列之逐條。而各病梗概。則或為之論。以附于後。其體例彼此不同。而要在使學者與輯義相參攷爾。但中間有校論訂詁。稍涉繁瑣者。蓋事關經義。則亦有不得已者焉。固非好為泛鶩遠引也。甲寅天醫節。元堅跋。

男 元琰校勘

弟子堀川濟覆審







講必求之古經。而講經之方。主乎攷證。其所攷證。必符實際。此讀醫經之法。卽學醫之道也。否則說理雖密。要爲無用之辨。引證雖精。多屬不急之察。蓋攷證是義理之筌蹄。實際是義理之標準。故學之得其方。能精且熟。則意必明。術必妙。以建回生起死之功。爲學之極效。不過如此耳。世之醫流。屑屑焉株守後世俗套。亂誤無算。未曾講明義理。而自謂醫之術在乎此。誑誣聖言。附會誕妄。好標新異。未曾徵之實際。而自謂醫之學盡乎此。抑亦管窺蠡測。豈足與論仲景之道耶。而又豈足以知二先生之學耶。傷寒論述義。刊行有年。今又金匱述義刻竣。先生命濟校讐。且書

其後。濟也質性駑鈍。附驥何當。然從學日久。頗受先生之鞭策。仍忘僭踰。謹敘先生家學之要端。以應其命。併諭之同人云。

嘉永七年歲在甲寅八月望 受業江戶堀川濟撰



嘉本十年歲五甲寅八月望日受業五子謝世  
 同八  
 辨業內志欲微難於夫主業學之要難也其命符錄之  
 其刻也實抄錄疑難同當然於學自入致矣夫主

醫學館御藏板

衛生彙編初集

黃帝蝦蟇經一卷

此經ハ針灸ノ書ニメ漢代ノ物タルヲ疑ベキナキモノ也  
 唐以來彼土ニ絶タルガ幸ニメ此方ノ今ニ存シタル奇  
 古ノ珍編ナリ

本草衍義二十卷

此書モ彼邦ニ流傳少ク李東璧モソノ原本ヲ見ズ  
 故ニ漏載スルモノアリ今刻スルトコロハ宋板ヲ祖トシ



按スルニ元板及び諸家所引ヲ以テスルモノ也實ニ發明スルヲ多ク治療ニ助アルノ書ナリ  
嚴氏濟生續方十卷

嚴氏ノ書ハ明約ニメ世ニ益アルヲ人ノ知ルトコロナリ此續方ハ前方ノ未逮ヲ補タルニメ篤論良方亦少カラズ世ニ久ク傳本ナカリシカ近來金澤文庫ノ古鈔本出タリシニ因テ朝鮮ノ醫方類聚ヲ以テ校補ナセシモノナリ

醫學館御用御書物師

萬笈堂英平吉

江戸本石町十軒店萬笈堂英平吉郎藏版醫書目錄

金匱要略輯義

全十冊 大本

東都醫官桂山多紀先生歷朝諸家ノ説ヲ集メ及千金外臺等ノ書ニ引トコロマデノ異同ヲ考校シ且先生ノ按ヲ各條ノ下ニ附ス金匱ノ諸説コノ書ニモル、更ナシ實ニ註家ノ大成ニ

古方丸散方

全一冊 小本

東洞吉益先生著ス所ニ此書往年田信菴先生校正上本ス是歲マテ東洞家ノ分量考ヲ附シ重訂補刻ス

丸散方機

全一冊 小本

此書ハ東洞先生作ニテ金匱傷寒ノ方ニ機變妙用アルヲ記シ東洞翁常用ノ方ニ臨病ノ機變コノ書ニツキタリ且丸散兼用方書ニ

一本堂醫事說約

全二冊 小本



此書ハ香川先生常ニ坐右ニ於テ驗セシ方ヲ集録ス往ニ藥選行餘  
醫言等ノ書既ニ行ルトイハレ藥論病論ノミニテ方ヲカク今コノ書ヲ  
合テ全備ナリ香川家ノ四劑ヨリ始メ先生ノ定方漏スコトナシ

上池秘録

小本一冊 西川國華先生輯

同續編

全一冊 同作

同三編

全一冊 同作

同四編

全一冊 同作

此書ハ古今丸散ノ方ヲ集ム先大人家ニハ奇應丸一粒金丹婦人家ニ龍  
王湯安神散小兒家ニハ萬金丹龍角圓古方家ニハ紫圓備急圓ノ  
類ヨリ始メ各家ヲ部類シテ且諸家經驗ノ奇方ヲ卷末ニ附ス

外科上池秘録

小本一冊 同作

此書ハ外科ニ用ル所ノ丸散并ニ膏藥ノ方ヲ集ム外科方書最第一ニ

傷寒方

一冊 小本 東都医官 多紀法眼 中澤養亭作

此書ハ傷寒發病ノ初日ヨリ五日迄又五日ヨリ十一日迄ト初メヨリ廿日餘  
ノ間ヲ分ケ藥方ヲ著シ其間ニハ或ハ下利後發汗後ナド色々ノ證ヲ著シ  
各條ノ下ニ某方ヲ著ス附録ニハ山田正珍先生ノ溫疫辨又ハ辟溫方ナド  
委ク出ス傷寒ノ方此書ニモルコトナシ

救急選方

二冊 小本

東都醫官多紀先生輯ムル所ニ先生ノ博覽廣才世ノ知トコロニ此書古今  
医籍中ヨリ救急ノ奇方輯ム實ニ先生ニアラズシテ此書ヲ作ル事能ハズ  
四方ノ医家必ズ茶菴中ニカクベカラス

醫略抄

一冊 丹波雅忠著 多紀操憲先生校

此書ハ今ヲ去ルテ殆ド七百年前ノ物ニ晉唐医書卅四部ノ中ヨリノ單捷ノ  
方ヲツメ急病ヲ治スルタメニ撰レタル書ニ其方ニナ奇驗ノ方ニ且所引ノ  
書多クハ今ニ傳ザル本ニ千金外臺ヲ讀ノ大ナル助トナリ古方ヲ講スルノ人必  
讀ノ書ナリ雅忠ハ日本扁鵲トイハレシ人ニ



廣惠濟急方 藏板

三冊 多紀藍溪先生著

此書ハ專ラ窮郷僻壤或ハ旅中ナド医者ニ乏キ処ニテ急卒ノ病アル所ニテ斃ルコトヲ憂ヘ作ラレシ書ニテ平假名ニテコレヲ書シ一二味ニテ奇効アル方ヲエラビ尤手近ナル草木蟲魚ノ茶ヲ專ラシ其形状ヲ圖シ又蝨死溺死等ハ其手術ヲエガキ又灸点ノ方モ委ク其圖ヲ出シ大人小兒急ナル大病ハ言ニ及バズ諸ノ毒ニアテラレ犬ノ咬ミ蟲ノサシタルナド或ハ火燒ナドマデモ如何ヤウ俗人ニテモ此書ヲミル所ハ其療治カタ一目ノシルベク誠ニ医者ヲ待ズノ命ヲ救ヒ苦ヲ免ルコトヲ得ル故ニ人々不時ノ用意ニ一部ツ所持セズバアルベカラザルノ書ニ而ソノ方ハ勿論古今ノ方書ヨリエラビ出シ一々試験ノ良法ナレバ医家ト云ヒ豈コレヲ缺ベケンヤ

傷寒論輯義

七卷 十冊 多紀棟窓先生著

古來傷寒ヲ注スルモノ多ハ古書ヲ讀ムノ法医書ヲ講スル式ヲシラズ多意ヲ用テ恣ニ改竄ヲ加ヘ或ハ紙上ノ空談ノミニテ實用ニ益アラス先生ノ

此書ハ四十餘部ノ注家ノ内ニツイテ其長ヲエラビ短ヲサリ又古書ニヨリテ異同ヲ正シ其疑シキ者姑ク諸説ヲ引テ敢テ臆改セズ專ラ文理確當ニシテ義理正平ヲ要トシ又古來医書ノ中ニツイテ仲景ノ義ヲ敷衍シ仲景ノ意ニヨリテ巧ナル療治ノハナシ或ハ仲景ノ方ヲ好ク活用シタルコト又仲景方ニ加減タル方又仲景ノ遺意ヲ發明シタルコト凡傷寒論ニアツカリ治療ノ助ニナルコトハ一々毎條ニ附録ノ臨證處方ノ使トナス實ニ傷寒論ヲ解シ傷寒論ヲ活用スルノ第一ノ書ニシテ古來注家ノ企及ベキニアラザルトコロニ

脉學輯要

三卷 二冊 同前

此書ハ寸関尺三部ノ位ヨリ跌陽人迎ノ診法平人ノ脉病ノ深淺生死ヲ決スル法二十四脉ノ形状婦人小兒ノ脉及ビハ怪脉ニ至ルマデ古來脉書ノ精英ヲエラビコレヲ古經ニ徵シ實驗ニタビシテ按語ヲクハ凡脉ニアツカルコト此書ニノセザルト云フナク古來ヨリノ脉書此書ホト切正ナルハナシ實ニ医家第一必用ノ書ニ



醫積三卷附錄一卷 三冊 同前 藏板

此書ハ先生ノ隨筆ニシテ神農嘗藥醫學醫科ナドヨリ何ト云フナク茶  
品ナドニ至リ附錄ニハ募原屠蘇ナドノ詳攷ヲアゲ醫書古來ヨリノ疑義ヲ  
辨明シ人ノコレヲ知及サヌコトヲ見イダシ一攷證ヲナシ醫學ノ助トナス是  
先生久年ノ積トコロニシテ一時ニナルモノニアズ又何レモ醫者知ラズンバアル  
ベカラザルコトニ無益ノコトナシ世ノ好テ著述ヲナシ博ヲ貪テ雜駁ニナル  
モノト同日ニ論ズベカラズ誠ニ古今未曾有ノ書ニシテ特リ醫學ノミナラズ凡  
學者此書ヲミバ益ヲ得ルコト少カラザルニ

素問識 八卷 同前

靈樞識 六卷 同前

内經ハ先生ノ家學ヲ此書ノ精密ナルコト世人ノ能知トヨク況ヤ今刻スルモノハ先生  
晩年ノ定本ヲ攷證詳密マテ餘蘊アルコトヲ醫道ノ大本ヲ明シト欲ルモノ豈此書ニ  
據ラザルベケンヤ

醫方挈領

此書ハ方ノ祖ヲアゲ四君子湯四物湯ノ類ノ如キ是ナリフレニ加減ナレル類方ヲ集タルモノニ一々出典治  
證ヲアゲ王良璨ノ小青囊施沛然ノ祖劑ナドニ比セバソノ精博數倍ノ実ヲ示ス籠  
中缺ベカラザル書

麻疹心得 麻疹輯要方 麻疹纂類 各一卷 合刻三冊 同前

心得ハ先生數次經驗ノ治術ヲ詳ニ國字モテ録シタル書ナリ輯要方ハ諸家ノ  
名方ヲ集メ纂類ハ諸説ノ要ヲ摘タルモノニシテ三書アリテ治疹ノ事拾芥ヨリ  
易レトイフベシ

標窓類鈔 八十卷 同前

此書ハ儒書ノ中ヨリ醫ニアツカリタルコトヲ抽出シ類ヲ以テ纂録シタルモノ  
醫ノ政令ヲ始トシ證治方藥ノコトハイフニ及ズ書目醫傳並ニ詩文ノ類マデモ  
悉ク採入セズトイフコトナレ先生ノ博覽古來醫家ツノ比ナク此書亦天下  
所未曾有ノ盛舉ヲ其益甚廣シ誠ニ不可無ノ鴻寶ナリ



櫟蔭先生文集

五卷

先生ノ文ハ敢テ巧ヲ求ルニ意ナシトイヘ能俗習ヲ脱ノ自ラ雅麗ナリ且醫書ノ攷證證治ノ論說等發明スルトコロ多ク其中ニアリ

醫籍考

百卷 多紀柳沂先生著

此書ハ朱竹垞經義考ニ倣テ古來醫書ノ目錄ヲ類列シタルモノニ歴代ノ史志及ビ百家ノ書ニ就テ卷帙序跋ヲ舉ゲ並ニ作者ノ履歷ヲ訂シ存佚未見ヲ表シ書ノ佳否道ノ源流燦然トシ明ナリ

疾雅

三十卷 同前

醫ノ事ハ病名ヨリ繁雜ナルナレバ先生博ク攷覈ヲナシテ正俗ヲ訂シ異同ヲ辨シテ以テコレヲ約ニ歸セシムルノ書

名醫公案

五十卷 同前

此書ハ諸家治驗ノ巧妙ナルヲ纂錄シタルモノ古人臨證處治ノ曲折ヲ會得シコレヲ今日ニ運用セントスル此書ヨリ善キハナシ

難經疏證

二卷 同前

難經ノ注ハ頗多ケレバ大抵迂遠ニシ且舊古ニ疎シ今先生諸注ノ的切ナルヲ擇ビ更ニ攷證ヲ加ヘタル書ヲ櫟窓先生ノ醫經諸解ト並セ讀セズンハアラガルモノ

名醫彙論

八十卷 多紀蔭庭先生著

古人ノ病論異同ノ說悉ク載ストイフコトク一病就テ名義脉法源因證候治法ヲ析タル大成ノ書

傷寒論述義

一卷 同前

此書ハ輯義ノ餘意ヲ發明ノ三陽三陰ノ大義變壞ノ諸候ニ至ルマテ類論辨列ヲナシ仲景ノ條理ヲシテ一目了然タラシメ治術ニツイテ明切ナル書ニテ敢テ立言ニ急ナルモノニアラズ

傷寒廣要

十二卷 同前

此書ハ古人傷寒ノ治術ニツイテ切正ナル論方ヲ類錄シタル書ナリ輯義



ヲ羽翼ノ經意ヲ擴充シ事實ニ大有用ノモノ

證治通義

二十卷 同前

此書ハ病因診察辨證ノ要領用茶治病ノ法則方劑某物ノ理蘊マテ諸家ノ精說ヲ摘出シ之ヲ攷証ヲ加ヘ醫者ヲ學ブモノヲ早ク正路ニ入ル秘訣ニ傷寒六經志

一卷 如藤猶龍先生著

二陰三陽ヲ以テ更ニ細分ヲナシ一百十三方ヲ配列シ方ゴトニ因證脈治ヲ揭ケ劑ノ大意ヲ示タル書ヲニコヲ藥籠中ニ藏テ至テ便利ナル書ナリ

產科指南

二卷 多紀菴庭先生閣 大牧周西先生著

此書ハ賀川氏ニ本キテ國字モテ其手術証候治法等ヲ演說ナシタルモノニ先生ハ產術ニ妙ヲ得タル人ニメ數十年間經驗スルトコロヨリメ賀川氏ノ未達ヲ發スル一マタ多シ且其論說至テ深切ニメイカナル初學トイヘモ曉ヤスカラシム誠ニ良師ニヨラズメ產術ノ秘訣ヲ得ルノ鴻寶ナリ

三都

發行

書林

京都三條通升屋町

出雲寺文次郎

大坂心齋橋通北久太郎町

河内屋喜兵衛

同 博勞町

河内屋茂兵衛

同 安堂寺町

秋田屋太右衛門

江戸芝神明前

岡田屋嘉七

同 日本橋通二丁目

山城屋佐兵衛

同 壹町目

須原屋茂兵衛

同 淺草茅町二丁目

須原屋伊八

同 本石町十軒店

英大助板



